

Ljubav i mržnja



Sklonosti i težnje ka nečemu, kao i mržnje koje se javljaju u djetetovoj psihi, dobar i loš govor koji sluša, ružne i lijepe scene koje vidi – sve to u unutarnjem biću djeteta ostavlja tragove, a u .odraslim godinama se očituje i pokazuje kroz njegova djela i govor

Porodice koje ne poštuju spolnu čednost u praksi i koje u vidokrugu svoje malodobne djece rade nečasne i nemoralne stvari, roditelji koji ne poštuju prirodne propise o čuvanju djetetovih spolnih nagona te koji štaviše, svojim nemoralnim ponašanjem, prigušene dječije nagone pobuđuju, aktiviraju i bodre na istraživanje seksualnih radnji, ukratko, osobe koje svjesno ili nesvjesno različitim sredstvima uzrokuju psihičke podražaje strastvenih nagona kod svoje djece i kod njih stvaraju željene i odvratne uspomene, moguće je da kod te djece, u njihovim odraslim godinama, uzrokuju spolno zastranjenje i silazak sa pravog puta spolnog .zadovoljavanja

Po mišljenju psihologa, izvor spolnog zastranjenja djelimično leži u osjećaju niže vrijednosti koji postoji u nutrini, iako ga čovjek u spoljašnjosti ne priznaje. „Zastranjenje i, posljedično tome, neuspješnost u prirodnom braku rezultat je svojevrsnog osjećaja niže vrijednosti. Koliko god u vanjštini ovakve osobe pokazivale da su inteligentne, snažnog duha i moćnih ideja, one u svojim nutrinama trpe osjećaj niže vrijednosti. Da je drugačije one bi poput drugih ljudi svoje prirodne potrebe realizovale, te bi s hrabrošću i bez ustezanja stupile u vezu koja dovodi do [produženja i opstanka vrste.“[1

Prigušeni nagoni

Jedna druga vrsta poremećaja koja nastaje usljed neprirodnog stimuliranja spolnih nagona djece prije puberteta, jesu kompleksi koji se javljaju u starijim godinama, zbog recidiva želja i .poriva iz djetinjstva

Dijete je, prije nago što dođe u pubertet, slobodno u ponašanju i govoru. Zakon i društvo do tada ga ne kažnjavaju za njegove nestašluke i postupke. Ako su roditelji čedni i ako su ozračje i okruženje u kojim se dijete odgaja čisti, dijete će se odgojiti kao čestito i ući će u pubertet čistog i zdravog tijela i duha te neće imati ni najmanjih teškoća niti zastranjenja u pubertetu. Ali ako okolnosti i atmosfera u kojoj se odgaja budu nezdravi, nemoralni i zagađeni i ako mu .roditelji budu pokvareni – dijete će se naći u raznolikim opasnostima

S jedne strane, promatrajući nevaljale postupke i djela svojih roditelja koja su u suprotnosti sa moralom i čednošću, dijete će biti odgajano u krivom i zastranjujućem pravcu. Za dijete koje se od početka krivo usmjeri i počne odgajati bez kreposti, ispravljanje i preodgoj u starijim godinama bit će vrlo težak proces i takvo dijete će uvijek biti izloženo opasnostima i moralnom razvratu. Od onog čija bit je od početka uspostavljena na lošem, od takvog se nikada dobru ne .nadaj

S druge strane, provokativna djela roditelja i, također, pokvareni uvjeti životnog okruženja djeteta uzrokuju aktiviranje spolnih nagona nezrelog djeteta, kao i pogrešno buđenje njegovih skrivenih nagona. Moguće je da dijete upravo tada doživi moralni pad te da bude zagađeno postupcima i osobinama suprotstavljenim kreposti i moralu. Kada takvo dijete uđe u zreliju fazu, postane punoljetno i stekne društvenu odgovornost, ono će se suočiti sa nekoliko duševnih .problema i psihičkih kompleksa i uvijek će patiti zbog uznemirujućeg sukoba koji osjeća u sebi